



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՆԵՔԻՆ ԳՈՐԾԵՐԻ
ՆԱԽԱՐԱՐՈՒԹՅԱՆ ՈՍՏԻԿԱՆՈՒԹՅՈՒՆ
ՊԱՐԵԿԱՅԻՆ ԾԱՌԱՅՈՒԹՅՈՒՆ**

0090, ք.Երևան, Շոպրոնի 77

N ՇԳ/12014

< 14 > 07 2023թ.

**Արգամ Սլավիկի Զուլհալյանին
Հասցե՝ Սյունիքի մարզ, գ.Խնձորեսկ, 4-րդ փողոց, 2 փուն**

Ուղարկվում է վարչական մարմնի նախաձեռնությամբ ՀՀ ՆԳՆ ոստիկանության պարեկային ծառայության վարչական բոլորքների քննության բաժանմունքում իրականացված վարչական վարույթի արդյունքում թիվ **8180283811** վարչական ակտն անվավեր ճանաչելու մասին որոշման օրինակը:

Առդիր՝ << 3 >> թերթ:

Հարգանքով՝

Պետ, ոստիկանության գնդապետ՝

Ա. Խուդինյան

Կատ. Գ.Կիրակոսյան

Ո Ր Ո Շ ՈՒ Մ

ՀՀ ՆԳՆ ոստիկանության պարեկային ծառայության վարչական իրավախախտման վերաբերյալ գործով 24.06.2023թ. կայացված թիվ **8180283811** վարչական ակտն անվավեր ճանաչելու մասին

14.07.2023թ.

ք.Երևան

ՀՀ ՆԳՆ ոստիկանության պարեկային ծառայության պետ, ոստիկանության գնդապետ Ա. Խուդինյանս, ղեկավարվելով <<Վարչարարության հիմունքների և վարչական վարույթի մասին>> ՀՀ օրենքի 67-րդ հոդվածով, վերանայելով 24.06.2023թ. կայացված թիվ **8180283811** վարչական ակտը,

Պ Ա Ր Զ Ե Ց Ի

2023 թվականի հուլիսի 13-ին ՀՀ ՆԳՆ ոստիկանության պարեկային ծառայության վարչական բոլորքների քննության բաժանմունքում ստացվել է ՀՀ ՆԳՆ ոստիկանության պարեկային ծառայության Կոտայքի մարզի գումարտակի հրամանատար, ոստիկանության փոխգնդապետ՝ Արտյոմ Սահակյանի զեկուցագիրն այն մասին, որ նույն գումարտակի, 2-րդ վաշտի կրտսեր պարեկ Վարդան Հարությունյանը 2023 թվականի հունիսի 24-ին ժամը 02:05-ի սահմաններում, Կոտայքի մարզի Իջևան-Սևան-Երևան ավտոճանապարհին կանգնեցրել է Արգամ Սլավիկի Զուլհալյանի կողմից վարած «ՏՈՅՈՏԱ» մակնիշի 73 VV 777 հաշվառման համարանիշի տրանսպորտային միջոցը և ստուգմամբ պարզվել է, որ վերջինս խախտել է <<Ճանապարհային երթևեկության անվտանգության ապահովման>> մասին ՀՀ Օրենքի 24-րդ հոդվածի 7-րդ մասի <<ա>> կետի պահանջները, այն է՝ տրանսպորտային միջոցը վարել է՝ ոչ սթափ վիճակում (վարորդի սթափության վիճակի զննության թիվ 09 արձանագրություն), կազմել է վարչական իրավախախտման վերաբերյալ արձանագրություն և <<Վարչական իրավախախտումների վերաբերյալ>> ՀՀ օրենսգրքի 126-րդ հոդվածի 1-ին մասի հատկանիշներով կայացրել թիվ **8180283811** որոշումը՝ Արգամ Զուլհալյանին տուգանելով 29.000 ՀՀ դրամի չափով՝ 4 տուգանային միավորի կիրառմամբ, սակայն տեղում ստուգմամբ պարզվել է, որ վերջինս 29.03.2023թ. զրկվել է տրանսպորտային միջոցներ վարելու իրավունքից 1 տարի ժամկետով:

Պարեկային ծառայող Վարդան Հարությունյանը նույն պահին կազմել է արձանագրություն, զուգակցված թիվ 8180283849 որոշմամբ՝ նշելով, որ տրանսպորտային միջոցներ վարելու իրավունքից զրկված անձը տրանսպորտային միջոցը վարել է ոչ սթափ վիճակում, սակայն չի կայացրել որոշում, քանի որ նշված արարքը ՀՀ քրեական օրենսգրքի 344-րդ հոդվածի 2-րդ մասի համաձայն քրեական պատասխանատվություն է նախատեսում տրանսպորտային միջոցներ վարելու **իրավունքից զրկված** կամ տրանսպորտային միջոցներ վարելու իրավունքը կասեցված կամ տրանսպորտային միջոց վարելու իրավունք չունեցող **անձի կողմից հարբած (ոչ սթափ) վիճակում տրանսպորտային միջոց վարելու համար:**

Զեկուցագրում նշված հանգամանքները հաստատվել են նաև կից ներկայացված վարչական իրավախախտման վերաբերյալ արձանագրության և զուգակցված թիվ **8180283811** որոշման, վարչական ակտերի մուտքագրման համակարգից կատարված քաղվածքի, ինչպես նաև էլեկտրոնային ռեգիստրից կատարված քաղվածքների ուսումնասիրությամբ:

<<Վարչական իրավախախտումների վերաբերյալ>> ՀՀ օրենսգրքի 128-րդ հոդվածի 7-րդ մասի համաձայն՝ սույն օրենսգրքի իմաստով՝ անձը համարվում է տրանսպորտային միջոցներ վարելու իրավունքից զրկված, եթե նա օրենքով սահմանված կարգով զրկվել է տրանսպորտային միջոցներ վարելու իրավունքից, և զրկման ժամկետը չի լրացել.

Անձը համարվում է տրանսպորտային միջոցներ վարելու իրավունք չունեցող, եթե նա սահմանված կարգով չի ստացել տվյալ կարգի տրանսպորտային միջոց վարելու իրավունքի վարորդական վկայական կամ սահմանված կարգով ստացել է վարորդական վկայական, սակայն օրենքով սահմանված կարգով զրկվել է տրանսպորտային միջոցներ վարելու իրավունքից, և զրկման ժամկետը լրանալուց հետո սահմանված կարգով չի վերականգնել տրանսպորտային միջոցներ վարելու իրավունքը, բացառությամբ ուսումնական վարման դեպքերի.

Անձի՝ տրանսպորտային միջոցներ վարելու իրավունքը համարվում է կասեցված, եթե նրա՝ տրանսպորտային միջոցներ վարելու իրավունքն օրենքով սահմանված կարգով կասեցվել է, և կասեցման ժամկետը չի լրացել:

ՎԻՎՕԻ 9-րդ հոդվածի 2-րդ պարբերությունը սահմանում է, որ սույն օրենսգրքով նախատեսված իրավախախտումների համար վարչական պատասխանատվություն առաջանում է, եթե այդ խախտումները իրենց բնույթով քրեական պատասխանատվություն չեն առաջացնում գործող օրենսդրությանը համապատասխան:

<<Վարչարարության հիմունքների և վարչական վարույթի մասին>> ՀՀ օրենքի 63-րդ հոդվածի 1-ին մասի <<ա>> կետի համաձայն՝ անվավեր է առ ոչինչ չհանդիսացող այն ոչ իրավաչափ վարչական ակտը, որն ընդունվել է օրենքի խախտմամբ, այդ թվում՝ օրենքի սխալ կիրառման կամ սխալ մեկնաբանման հետևանքով:

Նույն օրենքի 77-րդ հոդվածի 1-ին մասի <<ա>> կետը սահմանում է, որ 63-րդ հոդվածով սահմանված հիմքերը վարչական ակտի փոփոխման կամ բեկանման հիմքեր են:

<<Վարչարարության հիմունքների և վարչական վարույթի մասին>> ՀՀ օրենքի 67-րդ հոդվածի համաձայն՝ վարչական մարմնի ընդունած վարչական ակտի վերաբերյալ բողոքի բացակայության դեպքում այդպիսի ակտ ընդունած վարչական մարմնի վերադաս վարչական մարմինը (պաշտոնատար անձը), վերահսկողության կարգով և իր նախաձեռնությամբ, իրավունք ունի վերանայել ստորադաս վարչական մարմնի ընդունած վարչական ակտը:

Ելնելով վերոգրյալից և ղեկավարվելով **<<Վարչարարության հիմունքների և վարչական վարույթի մասին>> ՀՀ օրենքի 63-րդ հոդվածի 1-ին մասի <<ա>> կետով և 67-րդ հոդվածով՝**


Ո Ր Ո Շ Ե Ց Ի

1. ՀՀ ՆԳՆ ոստիկանության պարեկային ծառայության վարչական իրավախախտման վերաբերյալ գործով 24.06.2023թ. կայացված թիվ **8180283811** վարչական ակտը ճանաչել անվավեր:

2. Որոշման օրինակը ուղարկել քաղաքացի Արգամ Սլավիկի Զուլհալյանին և ՀՀ ՆԳՆ ոստիկանության պարեկային ծառայության Կոտայքի մարզի գումարտակ:

3. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան օրենքով սահմանված կարգով և ժամկետներում:

Պետ, ոստիկանության գնդապետ՝



Ա. Խուդինյան